

Маркас 5 бөлг.

1. Тедн теңгс һатлад, Гадарин орн-нутгур ирсмн.
2. Иисус оңһцас һархла, үксн улс оршадг хадын көндәсәс һарсн күн Терүнүр өрдәд ирв. Эн күн шулмд авлгдсн бәәж.
3. Үксн улс оршадг хадын көндәсд бәәдг бәәж, юңгад гихлә энүг нег чигн күн цевәр күлж чаддго бәәсмн.
4. Кесг дәкж энүг цевәр күлв чигн, зуг эн цев таслад, һарад гүүдг бәәж, тегәд нег чигн күн энүг тогнулж чаддго билә.
5. Өдрр-сө болһн эн уулмуд заагт болн үксн улс оршадг хадын көндәсәр хәәкрәд-оркрад , бийән чолудар цокад бәәдг бәәж.
6. Иисусиг холас үзәд, эн гүүж ирәд, Терүнә өмн унад, чаңһур хәәкрв:
7. «Иисус, Деед Эзн Бурхна Көвүн, Танд нанас ю кергтә? Бичә намаг зоватн гиж би Таниг суржанава.»
8. Юңгад гихлә Иисус энүнд иигж келсмн: «Шулм, эн күүнәс һарч әрл!»
9. Энүнәс Иисус сурв: «Чини нер кемб?» «Мини нерн – түмн, юңгад гихлә мадн тоһарн оln» - гиж эн хәрү өгв.
10. Эдн ээрәд сурцхав: «Мадниг эн һазрас бичә көөтн.»
11. Тенд, уулын өмн дала һаһас идшлж йовсмн.
12. Цуг шулмс Терүг сурж: «Мадниг эн һаһас дотр орх зөв өгтн.» Иисус зөв өгхлә, шулмс күүнәс һарад һаһас дотр орж. Дарунь хойр миңһн һаһас эднә тонь иим бәәсмн – әрг деерәс һәрәдәд, теңгсин уснд чивж одсмн.
14. Һаһас хәрүлж йовсн улс гүүһәд цуг болсн йовдлын тускар балһсна болн селәдин улст келсмн, тегәд тедн юн болсинь хәләхәр ирж.
15. Әмтн цуһар Иисусур ирхлә шулмд авлгдсн күн Терүнә өөр ухата болн хувц өмссн сууснь үзәд, ик гидгәр әәцхәж.
16. Шулм авлгдсн күүнә тускар болн һаһасла юн болсинь нүдәрн үзсн әмтн ирсн улст цугинь келж өгч.

17. Тегэд һазрт бөөдг улс Иисусиг теднэ һазрас һархинь сурад бөөж.
18. Иисусиг оңһцд орад суухла, шулмас сулдсн күн Терүнэс дахч йовх зөв сурсмн.
19. Зуг Иисус энүнд зөв өгл уга, иигж келсмн: « Герүрн хээрэд, чамд Деед Эзн ю кесинь, яһж хээрлсинь элгн-садндан келж өг.
20. Эн күн йовад Десятиградын әмтнд Иисус бийднь кесг юм кесин тускар келәд йовж. Цуг соңссн әмтн икәр алң болад өврәд бөөцәж.
21. Иисус оңһцар һатлад талдан эрг деер ирхләнә, Терүнә өөр дала әмтн хурцхаж.
22. Тиигән синагогин ахлач Иаир бас ирж. Эн Иисусиг үзн, Терүнә кәлднь унад,
23. эрәд сурж: «Мини күүкн ода өңгрн гижәнә, кемр Та ирәд Эврәннь һаран күргхлә, күүкм әмдрх.»
24. Иисус энүг даһад һарв. Терүнә ардаснь дала әмтн дахч. Әмтн деегд дала болад Терүг дарцад йовцхаж.
25. Әмтн дунд арвн хойр жилдән цусна гемәр муулян әдлсн нег гергн йовсмн.
26. Эн гергн кесг әмчнр эргәд, бийән әмнүләд бөөсн мөңгән цугтаһинь һарһв чигн, зуг гемнь әдглго, улм икәр гемтәд бөөсмн.
27. Болв гергн Иисусин тускар бас соңссмн, тегәд ирәд, оln әмтнә заагур Терүнүр өрдәд, Иисусин хувцна хормаднь һаран күргж.
28. Гергн иигж келдг бөөж: «Кемр би Иисусин хувцна хормаднь һаран күргхлә – дарунь әдгж одхв.»
29. Тегәд гергн Иисусин хувцна хормаднь һаран күргхнә хөөн , тер дарунь цусн һардган уурч оч.
30. Эн кемлә Иисус күчн һарснь медәд ардан хәләһәд сурв: «Мини хувцнд кен һаран күргв?»
31. Сурһульчрнь келж: «Та юңгад кен һаран күргв гиж суржанат? Дала гисн әмтн Таниг даһад, ардастн дарцж йовналм!»

32. Зуг Иисус Терүнэ хувцна хормад харан күргсн гергиг үзхин төлө эргэд хэлэв.

33. Гергн чичрэд, икэр ээһэд, энүнлэ юн болсинь медэд, Иисусур өөрдэд, Терүнэ көлднэ унад, цугтаһнэ үнэр келж өгсөн.

34. Иисус гергнд келв: «Күүкн Мини! Чини итклчн гемичн эдгэв. Нэ, тегэд төвкнүн, эрүл-менд йович!»

35. Иисус гергнд келжэсн цагла, синагогин ахлачин гертэснэ ирсн эмтн ахлачд иигж келв: «Чини күүкн өңгрж одв. Багшиг бичэ зоваж үүмүл.»

36. Зуг Иисус теднэ келснэ соңсвчн, синагогин ахлачд келв: «Бичэ э, итк!»

37. Иисус Пётриг, Иаковиг болг Иаковин ахиг Иоанниг бийлөһөн дахулад харв, зуг дэжж нег чигн күүнд Терүг дахад йовх зөв өгсн уга.

38. Синагогин ахлачин герт Иисус орж ирхлэ, тенд оркрад уульжасн эмтнэ дун соңсдж.

39. Орж ирсн, Иисус келв: «Тадн юңгад уульжахмбт? Күүкн өңгрсн уга, унтж кевтнэ.»

40. Герт бээсн эмтн Иисусар наад бэрэд инэлдцхэв. Зуг Иисус эдниг харһж көөһэд, күүкнэ эк-эцк хойринь болн ирсн һурвн сурһульчан авад күүкн кевтсн хораһур орв.

41. Күүкиг хараснэ авад, Иисус келв: «Талифа куми.» Эн үгмүдин чинр иим: «Күүкн, Би чамд келжэнэв: Бос!»